

!FILOMENA DUSHI FLOR!



RELATO DI ORGANIZACION DI CENTER 23 DI E ARCHCONFRATERNIDAD ARUBA

Tur cos a cuminza na April 2004 ora cu mi esposa Helena Diana Filomena Jimenez Wever semper kier a sa unda e por hanja e relikianan di Santa Filomena. Esaki tabatin di haber cu e hecho cu e la wordo batisa dia 6 November 1949 den Iglesia Santa Filomena un iglesia recién construi na Aruba. Iglesia Santa Filomena na Aruba tin su historia di con e la hanja e nomber aki. Tabata nos vicario Msgr. Verriet (dfm) cu a haci un promesa na Santa Filomena cu si nos islanan wordo salba di e Segunda Guerra Mundial e prome Iglesia cu wordo construi den e Diocesis lo hiba su nomber. Y esei a sosode ya cu nos tabata den peliger debi na e hecho cu nos tabatin na Aruba un Compania Americano di Petroleo cu tabata procesa crudo pa e aliadonan. Y e guera aki tabata contra e alemanan. Nos a

wordo salba cu intercession di Santa Filomena y asina Msg. Verriet a duna e recién construi Iglesia na Aruba na 1949 e nomber Santa Filomena. Asina nos a descubri riba internet e localizacion di e Santuario y asina nos a haci nos prome bishita na Mugnano del Cardinale. Desde e prome entrada na e Santuario lagrimanan a yena mi esposa su wowonan y e tabata hopi emocionada. Nos a wordo ricibi cu masha carino door di Zuster Bertilla (dfm), y Msgr. Giovanni Braschi. Durante nos prome bishita na e Santuario. Msgr. Braschi a nombra Ami y Helena como e representantenan di e Confraternidad Mundial di Santa Filomena cu a hanja e rango Universal door di Papa San Pio X dia 21 Mei 1912 y Aruba a hanja e Centro No. 23. Durante e Santo Sacrificio di Misa e anochi ey Msgr. Braschi a anuncia nos presencia y nos a ricibi un masha caluroso bonbini pa esnan presente. Mesora nos a anuncia cu nos lo regresa na Oktober e mesun anja pa e celebracion di Cumplianja di mi esposa y e ora ey Msgr. Braschi a conseja nos pa bin mihor na 2005 cu lo tabatin un





celebracion grandioso di e di 200 anja di yegada di e relikianan di Santa Filomena na Mugnano del Cardinale. Na nos regreso for di Italia nos a tuma contacto cu Rev. Pastoor Mariano Matubis di Parokia di Paradera y nos a contele tur nos experiencia biba na Mugnano del Cardinale. Mesora e la acepta pa nos sigi cu e devocion akna Aruba mediante e Confraternidad. Asina nos a cambia nos plan y nos a bolbe e Santuario na Augustus 2005 pa e gran celebracion aki cu un grupo di 12 persona di Aruba. Pero prome cu nos a haci e

viaja pa Mugnano, nos a wordo invita pa un conferencia na e Catacombonana di Sta. Priscillia na Roma exactamente un dia despues di e funeral di Papa Juan Pablo II. Durante e Conferencia ey nos a wordo sorprende pa e prome banner traha pa su procesionnan y cual banner nos a entreguele na Misa Santa Filomena na Paradera. E banner di fulp corra a wordo traha door di Michel Manley(dfm) un ferviente devoto di Santa Filomena biba na Schotland. Dia 12 Oktober 2005 Aruba a hanja e nominacion como Centro 23 aunke na 2004 nos a cuminza organiza nos Centro. Tambe cu e bunita cooperacion di nos director Spiritual Rev. Pastoor Mariano Matubis nos a adopta tur e fiestanan di Santa Filomena na e mesun forma cu e ta wordo celebra na Santuario na Mugnano del Cardinale, cualnan ta 10 Januari, Cumplianja di Santa Filomena... E diadomingo siguiente na su cumplianja un Misa special en coneccion cu bendicionamento di e Azeta di Santa Filomena na Santuario. ..22.,23 y 24 Mei, Triduo en coneccion cu 25 Mei ta e fecha cu su relikianan a wordo descrubi den e Catacombonan di Sta. Priscilia. Nos tin un Nobena for di dia 2 te cu 10 di Augustus y 11 di Augustus nos tin un Gran Celebracion den Iglesia Santa Filomena. Tambe nos tin e ultimo diadomingo di



Augustus un Santo Sacrificio di Misa en coneccion cu e Consagracion di e Muchanan na Santa Filomena. Tur anja nos tin e celebracionnan aki. Cada di 2 diabierna di luna nos tin pa 6.30 p.m. Rosario di Santa Filomena sigi pa 7.00 p.m Santo Sacrificio di Misa despues di cual nos tin un encuentro cu nos miembronan pa papia tocante di e plannan y kiko nos por haci pa upgrade nos Centro. Na Augustus 2008 nos a termina cu nos propio donashonnan, sin usa fondonan di Misa Santa Filomena e Parke Santa Filomena situa na banda di Iglesia Santa Filomena. E lusnan den

parke a sufri algun danjo ya cu un tornado a afecta e zona aki pero gracias a Dios cu e danjonan a wordo hopi limita na e Parke. Akinan Rev. Pastoor Toti Fuentebella cu mientras tanto a bira Pastoor di Parokia di Paradera desde 11 di Oktober 2011 a pone fondonan disponibel pa drecha esakinan. Durante un bi shita cu nos a haci na Phoenix Arizona, nos a entrega un peticion na Msgr. Braschi pa bishita nos isla cual peticion a wordo honra. E la bishita nos isla for di 13 te cu 20 Maart 2012. Durante su bishita e la ofrece nos Misa Santa Filomena un reliquia Primera Clase di Santa Filomena den su Monstrans, cual e la entrega na Msg. Luis Antonio Secco durante un Santo Sacrificio di Misa solem despues cual nos Obispo a entreguele na Rev. Pastoor Toti Fuentebella, actualmente nos director Spiritual di e Confraternidad di Santa Filomena. Tambe e la nomina Aruba como e Centro Confraternidad Universal pa henter Caribe. Durante di un boattrip dado momento nos a ancla na altura di Arashi e la tuma un Rosario di Santa Filomena den su mannan e la bendicionele y a tirele den laman bendicionando nos isla. Tambe e la nomina nos Parokia e Centro Principal di henter Caribe di e Confraternidad Mundial di Santa Filomena. Na su regreso na Italia e la skirbi un articulo masha impresionante di su bishita na nos dushi isla di Aruba. Te na e momentonan aki cu nos ta produci e relato aki nos a bishita e Santuario di Santa Filomena 10 biaha. Palabra di gr atitud na Rev. Pastoor Jairo Maduro cu a pidi nos e relato aki.

Cualkier persona cu kier join e Confraternidad di Santa Filomena Aruba por contact nos libremente y cu mucho gusto nos lo duna nan e informacion necesario.

Na nomber di e Confraternidad di Santa Filomena

Alfonso y Helena Jimenez Wever

Email: alfhel@hotmail.com

Tel: 5824661

Cel.: 5602377

Aruba, 20 Februari 2014

N.B.

Den un otro email mi ta bai manda pastoor potretnan relaciona cu e actividadnan aki cu nan discription.

Saludos

Alfonso

